

Келсн үгдән күрвдн

Прикаспийск загъсна комбинатин кӱдлӱчнр КПСС-н ЦК-н декабрин 22-т болх Пленумд нерӱдсн социалистическ дӱрдӱдӱнд орлицхагъад, кӱдлмшт-тӱн ик диилврмӱд бӱрцхӱв.

Комбинатин консервн цех эн джил 4 сай банк консерв гаргъх зурата билӱ. Мана цехин кӱдлӱчнр хамг аргъ чидлӱн тоолад, эн зураг болзгаснӱ урд кӱцӱгъӱд, деернӱ немр 150 минъгън банк консерв гаргъх болдж даалгъвр авла. Мана цуг кӱдлӱчнр келсн үгдӱн кӱрӱд, ноябрь сарин 25-д джилӱ зура деерӱн 270 минъгън банк консерв гаргъв.

Консервн цехин кӱргӱлгънӱ отделенӱ кӱдлӱчнр бас джилӱ зурагъан 6 минъгън центнер кӱргӱсн загъс гаргъхан декабрин 20-д кӱцӱгъӱд, джил чилтл 200 центнер кӱргӱсн загъс гаргъх болдж даалгъвр авцхала.

Ода эн декабрин 10-д 5600 центнер кӱргӱсн загъс гаргъв, КПСС-н ЦК-н Пленум уктдж зурагъан кӱцӱгъӱд, деернӱ немр 300 центнер загъс кӱргӱдж гаргъх болдж эн шин даалгъвр авцхав.

Мана цехин кӱдлмшчнр дунд ик шунмгъа кевӱр кӱдлдж Сергеева, Наминова, Владимирова, Рагулина эн 130—150 процент кӱргдж кӱцӱцхӱнӱ. Бочкс кедг урн Надбитов Лиджи оньдинд сӱӱнӱр кӱдлнӱ, эн кевӱр чигн зурагъан 120—140 процент кӱцӱнӱ. Ода эн ӱдрмӱдт мана комбинатас тасрл уга кесг машид тӱм хаалгъин станцур мана кедж гаргъсн эдл-уш зӱӱцхӱнӱ. Станц кӱдлджӱх вагонст аца ачдг кӱдлмшчнр Лиджи-Гаряев Владимир, Сангаджи-Гаряев Кузьма болн Сангаджи-Гаряев Отхи ӱдрӱ зурагъан 150—160 процент кӱцӱцхӱнӱ.

Долан джилӱ зуран тӱрӱн джил чилдж йовна, мана комбинатин кӱдлӱчнр улм шундж кӱдлджӱцхӱнӱ. Ода бидн КПСС-н ЦК-н Пленумиг бӱрсн диилврмӱдӱрн тосджанавдн — джилӱ зурагъан болзгаснӱ урд кӱцӱвдн, джил чилтл Тӱрскндӱн немр ик эдл-уш ӱгхвдн гидж үгӱн ӱгчӱнӱвдн.

У. ГОРОШАЕВ.

Прикаспийск загъсна комбинатин консервн цехин эклц парторганизац-ин сеглӱтр.